


«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

Հ Ա Ս Տ Ա Տ Վ Ա Ծ Է

«ԿՈՒԲ ԻՆՎԵՍՏ» ՓԲԸ ընդհանուր ժողովի
18 նոյեմբերի 2024թ.- ի թիվ 2024/21 որոշմամբ
Ժողովի նախագահ՝ Արմեն Տեր-Հակոբյան



ԿՈՒԲ ԻՆՎԵՍՏ ՓԲԸ
ԳԱՂՏՆԻՈՒԹՅԱՆ ՔԱՂԱՔԱԿԱՆՈՒԹՅՈՒՆ

Մեր ծառայություններից օգտվելու պահից Դուք անվերապահորեն համաձայնում եք սույն Գաղտնիության քաղաքականությամբ սահմանված կարգով Ձեր անձնական տվյալների մշակում, այդ թվում՝ անձնական տվյալների հարցում և ստացում իրականացնելուն: Ձեր անձնական տվյալների գաղտնիությունը կարևոր է մեզ համար, և մենք քայլեր ենք ձեռնարկում այլ անձանց կողմից Ձեր տվյալների չարտոնված օգտագործումից կամ դրանց չարաշահումից խուսափելու համար:

1. Հասկացություններ

- 1.1. **Ընկերություն** – «Կուբ Ինվեսթ» ՓԲԸ (հասցե՝ ք. Երևան, Ամիրյան 1)
- 1.2. **Գաղտնիության քաղաքականություն** - Անձնական տվյալների մշակման սույն գաղտնիության քաղաքականությունը
- 1.3. **Կայք** – Ընկերության պաշտոնական ինտերնետային կայք՝ www.cubeinvest.am
- 1.4. **Հաճախորդ** – Ընկերության ծառայություններից օգտվող ցանկացած անձ,
- 1.5. **Անձնական տվյալ** - ֆիզիկական անձին վերաբերող ցանկացած տեղեկություն, որը թույլ է տալիս կամ կարող է թույլ տալ ուղղակի կամ անուղղակի կերպով նույնականացնել անձի ինքնությունը
- 1.6. **Անձնական տվյալներ մշակող** - «Կուբ Ինվեսթ» փակ բաժնետիրական ընկերություն
- 1.7. **Անձնական տվյալների մշակում** - անկախ իրականացման ձևից և եղանակից (այդ թվում՝ ավտոմատացված, տեխնիկական ցանկացած միջոցներ կիրառելու կամ առանց դրանց) ցանկացած գործողություն կամ գործողությունների խումբ, որը կապված է անձնական տվյալները հավաքելու կամ ամրագրելու կամ մուտքագրելու կամ համակարգելու կամ կազմակերպելու կամ պահպանելու կամ օգտագործելու կամ վերափոխելու կամ վերականգնելու կամ փոխանցելու կամ ուղղելու կամ ուղեփակելու կամ ոչնչացնելու կամ այլ գործողություններ կատարելու հետ

«ԿՈՒԻ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

1.8. **Քուիքի (cookies)**՝ փոքր ֆայլեր, որոնք վեբ կայքը պահում են օգտատիրոջ սարքում՝ տեղեկատվություն պահպանելու համար, և օգտագործվում են օգտատիրոջ նույնականացման, անհատականացման, վերլուծության և գովազդային և այլ նպատակներով:

2. Ներածություն

2.1. Ընկերությունը (այսուհետ նաև՝ «մենք», «մեզ», «մեր») պարտավորվում է պաշտպանել և չխախտել Ընկերության ծառայություններից օգտվող Հաճախորդների, գործընկեր կազմակերպությունների ներկայացուցիչների (այսուհետ նաև՝ «Դուք», «Ձեզ», «Ձեր») անձնական տվյալների վերաբերյալ ցանկացած տեղեկության գաղտնիությունը: Սույն Գաղտնիության քաղաքականության մեջ նկարագրվում է անձնական տվյալների պաշտպանության Ընկերության քաղաքականությունը և անձնական տվյալների մշակման ձևն ու կարգը:

2.2. Սույն Գաղտնիության քաղաքականությունը կիրառելի է Ընկերության կողմից տրամադրվող ցանկացած ծառայության համար (այսուհետ՝ «Ծառայություններ»), եթե սույնից տարբերվող այլ կարգավորում գրավոր սահմանված չէ Ընկերության կողմից:

3. Անձնական տվյալների մշակման իրավական հիմքերը

3.1. Ձեր անձնական տվյալները մշակվում են՝ հիմք ընդունելով ՀՀ օրենսդրությունը, այդ թվում, բայց չսահմանափակվելով՝

3.1.1. «Անձնական տվյալների պաշտպանության մասին» ՀՀ օրենքը,

3.1.2. «Փողերի լվացման և ահաբեկչության դեմ պայքարի մասին» ՀՀ օրենքը,

3.1.3. Ձեզ հետ կնքվող/կնքված պայմանագրերը, համաձայնագրերը,

3.1.4. սույն Գաղտնիության քաղաքականությունն այլ կերպ ընդունելու արդյունքում ստացված Ձեր համաձայնությունը:

«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

3.2. Իրավաբանական անձանց տվյալները մշակվում են՝ հիմք ընդունելով ՀՀ օրենսդրությունը, այդ թվում, ի թիվս այլնի՝ ՀՀ օրենքը «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին»:

4. Անձնական տվյալների մշակման նպատակը

4.1. Անձնական տվյալների մշակումը իրականացվում է հետևյալ նպատակներով՝

4.1.1. Ծառայությունների պատշաճ մատուցման, հաճախորդների սպասարկման որակի բարելավման համար,

4.1.2. Ծառայությունների օգտագործումը վերահսկելու համար,

4.1.3. Ձեզ հետ կապ հաստատելու համար,

4.1.4. Ձեր հաշվի բացման, Ձեր հաշիվները կառավարելու, հսկելու և զեղծարարության դեպքերը բացահայտելու համար,

4.1.5. Ձեր ինքնության հաստատման (նույնականացման) համար,

4.1.6. Ձեր անձնական տվյալների հավաստիության ապահովման (ստուգում, ճշգրտում կամ թարմացում) համար,

4.1.7. Կայքում Ձեր գործողությունները բարելավելու, Ձեր հարցումներին պատասխանելու ու աջակցություն տրամադրելու համար,

4.1.8. ՀՀ օրենսդրական ակտերի և այլ նորմատիվ իրավական ակտերի պահանջների կատարման համար, մասնավորապես՝ «Փողերի լվացման և ահաբեկչության դեմ պայքարի մասին» ՀՀ օրենքի 16-րդ հոդվածի պահանջները:

5. Մշակվող անձնական տվյալների հավաքագրման եղանակը և մշակման ենթակա անձնական տվյալների ցանկը

5.1. Ձեզնից տեղեկությունները հավաքվում են հետևյալ եղանակներով.

«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

5.1.1. Երբ Դուք օգտվում եք մեր Ծառայություններից որևէ եղանակով, այդ թվում Ընկերության տարածքում կամ էլեկտրոնային եղանակով,

5.1.2. Երբ այցելում եք մեր պաշտոնական Կայք (օրինակ՝ բաժանորդագրվում եք կամ լրացնում եք «Հետադարձ կապ» ձևը),

5.1.3. Ընկերության կողմից օգտագործվող հավելվածներում գրանցվում եք կամ ներբեռնում եք դրանք

5.1.4. Ընկերության կայքը կարող է նաև օգտագործել քուքիներ (cookies):

5.2. Սույն Գաղտնիության քաղաքականության 4-րդ կետով սահմանված նպատակներն իրականացնելու համար հաճախորդ ֆիզիկական անձանցից, ինչպես նաև իրավաբանական անձ հաճախորդների ներկայացուցիչների վերաբերյալ կարող են հայցվել այնպիսի անձնական տվյալներ, ինչպիսիք են անձնագրային տվյալները, իրական ժամանակում արված ինքնանկար (online selfie), բնակության և հաշվառման վայրը, էլեկտրոնային փոստի հասցեն, հեռախոսը, հարկային համապատասխան մարմնում հաշվառման տվյալները, բանկային հաշվեհամարը, արժեթղթերի հաշվեհամարը, փոխկապակցված անձանց վերաբերյալ տվյալները, և այլն:

5.3. Ընկերությունը կարող է հավաքագրել նաև այնպիսի տվյալներ, ինչպիսիք են Ձեր ֆինանսական վիճակի մասին տեղեկատվությունը (եկամտի աղբյուրները և դրանց մեծությունը և այլն), ներդրումային նպատակների մասին տեղեկություններ, ներդրումային գործունեության բնագավառում ձեր գիտելիքների և փորձի մասին տեղեկություններ: Սույն կետով նախատեսված տվյալները անձնական տվյալ են համարվում այնքանով, որքանով թույլ են տալիս նույնականացնել ֆիզիկական անձին:

5.4. Անհրաժեշտության դեպքում Ընկերությունը կարող է պահանջել նաև այլ անձնական տվյալներ:

5.5. Տրամադրվող տեղեկատվությունը պետք է լինի ճշգրիտ, արդիական և հավաստի, որի ապահովման պատասխանատվությունը կրում եք Դուք: Ձեր անձնական տվյալները

«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

մշակվելու են սույն Գաղտնիության քաղաքականությամբ սահմանված նպատակներին հասնելու համար անհրաժեշտ նվազագույն քանակով:

5.6. Ձեր կողմից Ընկերությանը փոխանցված երրորդ անձանց անձնական տվյալների պարագայում մենք ելնում ենք այն կանխավարկածից, որ Դուք ստացել եք երրորդ անձի համաձայնությունը, որպեսզի մենք մշակենք վերջիններիս տվյալները: Հակառակ դեպքում Դուք եք կրում նման համաձայնությունը չստանալու հետ կապված բոլոր հետևանքները և պարտավորվում եք հատուցել Ընկերության՝ նման համաձայնություն չստանալու հետևանքով կրած վնասները:

5.7. Դուք համաձայնում եք, որ մենք կարող ենք փոխանցել Ձեր անձնական տվյալները և Ձեզ առնչվող այլ տեղեկությունները երրորդ անձանց, այդ թվում՝ գործընկեր ընկերություններին՝ Ձեր հանձնարարականները/գործարքները կատարելու նպատակով և դրա շրջանակներում, ինչպես նաև Ընկերության բնականոն գործունեությունից բխող այլ օրինաչափ նպատակներով:

6. Անձնական տվյալների մշակման նպատակով իրականացվող գործողությունները

6.1. Անձնական տվյալների մշակումը անկախ իրականացման ձևից և եղանակից (այդ թվում՝ ավտոմատացված, տեխնիկական ցանկացած միջոցներ կիրառելու կամ առանց դրանց) ցանկացած գործողություն կամ գործողությունների խումբ է, որը կապված է անձնական տվյալները հավաքելու կամ ամրագրելու կամ մուտքագրելու կամ համակարգելու կամ կազմակերպելու կամ պահպանելու կամ օգտագործելու կամ վերափոխելու կամ վերականգնելու կամ փոխանցելու կամ ուղղելու կամ ուղեփակելու կամ ոչնչացնելու կամ այլ գործողություններ կատարելու հետ:

6.2. Ընկերությունը անձնական տվյալների մշակման ընթացքում առաջնորդվում է հետևյալ պահանջներով.

«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

6.2.1. նպատակների, տվյալների մշակման միջոցների օրինականությունը և տվյալների արժանահավատությունը,

6.2.2. անձնական տվյալների մշակման օրինականության ապահովումը, ինչը ենթադրում է տվյալների մշակում սուբյեկտի համաձայնությամբ,

6.2.3. տվյալների մշակման իրական և հայտնաձ նպատակների համապատասխանությունը,

6.2.4. անձնական տվյալների ծավալի և բնույթի, մշակման միջոցների և նպատակների համապատասխանությունը,

6.2.5. անձնական տվյալները մշակում այն նվազագույն քանակով, որն անհրաժեշտ է օրինական նպատակներին հասնելու համար,

6.2.6. անձնական տվյալների մշակման մշտական ներքին հսկողություն, անձնական տվյալների մշակման գործընթացների և համակարգերի պետական ստուգումներ անցնելու պատրաստականություն:

7. Ձեր իրավունքները

7.1. Դուք ունեք «Անձնական տվյալների պաշտպանության մասին» ՀՀ օրենքի 4-րդ գլխով սահմանված իրավունքները:

7.2. Դուք իրավունք ունեք հետ կանչել անձնական տվյալները մշակելու մասին Ձեր համաձայնությունը կամ պահանջել ջնջել Ձեր անձնական տվյալները՝ հաշվի առնելով, որ այդ դեպքում Ընկերությունը կարող է զրկվել Ձեզ ծառայություններ մատուցելուց կամ ծառայությունների մատուցման շրջանակներում որոշակի գործողություններ կատարելու հնարավորությունից և կարող է լուծել Ձեզ հետ կնքված պայմանագիրը:

7.3. Դուք իրավունք ունեք դիմել Ընկերությանը՝ Ձեր անձնական տվյալները ուղղելու կամ փոփոխելու համար, եթե դրանք սխալ են կամ պետք է թարմացվեն:

«ԿՈՒԲ ԻՆՎԵՍՏ» ՓԲԸ	Գաղտնիության Քաղաքականություն	Ուժի մեջ է 19.11.2024թ.-ից Խմբագրություն N 1
-------------------	-------------------------------	---

7.4. Դուք իրավունք ունեք բողոք-պահանջ ներկայացնել Ընկերությանը, եթե կարծում եք, որ Ձեր անձնական տվյալները մշակվել են խախտումներով կամ եթե համաձայն չեք Ձեր անձնական տվյալների մշակման կարգի հետ:

8. Անձնական տվյալների պահպանման ժամկետները

8.1. Մենք պարբերաբար վերանայում ենք անձնական տվյալների պահպանման ժամկետները՝ համաձայն ՀՀ գործող օրենսդրության պահանջների և Ընկերության որդեգրած քաղաքականության:

8.2. Անձնական տվյալների պահպանման ժամկետը չի կարող ավելի երկար լինել, քան այն ժամկետը, որն անհրաժեշտ է նախօրոք որոշված նպատակներին հասնելու համար, եթե այլ բան սահմանված չէ ՀՀ օրենսդրությամբ:

8.3. Ձեր անձնական տվյալները կպահպանվեն Ընկերության ընթացակարգերով և ՀՀ օրենսդրությամբ սահմանված տևողությամբ:

8.4. Ընկերությունը մշակում է միայն ՀՀ օրենսդրությամբ սահմանված պահպանման ենթակա անձնական տվյալները և սույն Գաղտնիության քաղաքականությամբ սահմանված նպատակներին հասնելու համար անհրաժեշտ անձնական տվյալները՝ առավելագույնս խուսափելով դրանց կրկնակի մշակումից:

9. Անվտանգության ապահովման գործող միջոցներ

9.1. Մշակվող անձնական տվյալների պաշտպանությունն ապահովելու համար Ընկերությունը ձեռնարկում է անհրաժեշտ իրավական, կազմակերպչական, տեխնիկական պաշտպանության միջոցներ՝ ՀՀ օրենսդրության, Ընկերության տեղեկատվական անվտանգության քաղաքականության պահանջների համաձայն և Ընկերության տեխնիկական հնարավորություններին համապատասխան:

9.2. Ձեր անձնական տվյալները հասանելի են մեր աշխատակիցներին միայն սույն Գաղտնիության քաղաքականությամբ սահմանված նպատակների իրականացման համար

անհրաժեշտ չափով և ժամկետներով: Մեր աշխատակիցները և մշակվող անձնական տվյալներին մուտք գործելու իրավունք ստացած այլ անձինք ստորագրել են գաղտնի տեղեկատվության չհրապարակման մասին պարտավորություն, ինչպես նաև զգուշացվել են անձնական տվյալների մշակման ոլորտում ՀՀ գործող օրենսդրության նորմերի և պահանջների խախտման դեպքում հնարավոր կարգապահական, վարչական, քաղաքացիական և քրեական պատասխանատվության մասին:

10. Գաղտնիության քաղաքականության ուժի մեջ մտնելը և գործողության ժամկետը

10.1. Սույն Գաղտնիության քաղաքականությունը, ինչպես նաև դրա բոլոր փոփոխությունները, հաստատվում են Ընկերության ընդհանուր ժողովի կողմից և ուժի մեջ մտնում Ընկերության Կայքում հրապարակման պահից:

10.2. Սույն Գաղտնիության քաղաքականության ընդունմամբ տրված՝ անձնական տվյալների մշակման համաձայնությունը գործում է մինչև Ընկերության և Ձեր միջև առկա բոլոր իրավահարաբերությունների դադարումը և Ընկերության նկատմամբ Ձեր ունեցած պարտավորությունների ամբողջական կատարումը:

Սույն Գաղտնիության քաղաքականության կամ անձնական տվյալների գաղտնիության պաշտպանության մեր քաղաքականության հետ կապված հարցեր առաջանալու դեպքում, կարող եք կապվել մեզ հետ ստորև նշված հետադարձ կապի միջոցներով.

Էլ. հասցե՝ www.cubeinvest.am

Հեռախոս՝ +374 11 800 810

Հասցե՝ ՀՀ , ք. Երևան, 0010, Ամիրյան 1